



UNIVERSITÄTS-  
BIBLIOTHEK  
PADERBORN

## **Hvmanae Salvts Monvmenta**

**Arias Montano, Benito**

**Antverpiae, [1571?]**

Bened. Ariæ Montani Carmen Votivvm Ad Christvm Iesvm.

---

[urn:nbn:de:hbz:466:1-68924](https://nbn-resolving.org/urn:nbn:de:hbz:466:1-68924)



BENED. ARIÆ MONTANI  
CARMEN VOTIVVM AD  
CHRISTVM IESVM.

SI TV *Christe* mei munera carminis,  
Nostri & vota probas pectoris abdita,  
Laudes (namque potes) da pateant tue  
Orbem quâ veteri con socias novum:  
Non ut fama meum nomen in ultimas  
Oras Oceani deferat, aut decus,  
Viresq; ingenij commemoret mei.  
Nostrum quidquid id est, est leue, nec valet  
Perdurare dies, vel mare, vel vias,  
Quin victum penitus sorte cadat sua.  
Sed, quod nostra sonant carmina, maximum  
Nomen, quod superat secula; quod mare,  
Quod terræ, barathrum, sidera quod colunt;  
Quod presente domat fortia robore;  
Quod deuota replet pectora numine;  
Quod lassos recreat, quodq; fouet pios:  
Hoc nomen numero non numerabili  
Virtutum solidi ac muneris efficax;  
In quo certa salus vitaq; publica est  
Orbi nunc nimis ponderibus mali  
Depresso & vitij criminibus grauis;  
Hoc nostris celebre & carminibus sacrum,  
Per nostros populos ferre per externos,  
Diffuso & pelago quâ patet ambitus,  
Decantare nouis vocibus expeto.

Nam



Nam si magna semel munera nominis  
Sint gustata tui; carmina concidant,  
Et chartæ fileant, famaꝫ & ingeni  
Vis nostri pereat: nominis at tui  
Virtus visceribus, cordibus & piis,  
Hærebitꝫ animis, quod neque temporum  
Robur, nec minuunt sæua tyrannidis  
Tormenta, aut validis turma phalangibus  
Quam multas tetricis conuomit ostiis  
Sedes Tartarei turbida Principis.



